



UNIVERSITÄTS-
BIBLIOTHEK
PADERBORN

Universitätsbibliothek Paderborn

Marianischer Atlaß/ Von Anfang vnd Vrsprung Zwölffhundert Wunderthätiger Maria-Bilder

Gumpenberg, Wilhelm

München, 1673

872. Zu Locron in Hispanien/ von dem Thall Cuerna.

urn:nbn:de:hbz:466:1-38287

872.

Unser lieben Frauen Bild

Von dem Thall Cuerna

Zu Locron in Hispanien.

Nur der Statt Maur zu Locron / ist ein abhan-
 gender niderer Platz / so / weil man die Horn
 vom Bich / als Ochsen / Kühen / Widder vnd anders 2c.
 hin schüttet / genant wird / das Horn Thall. Auff
 disem Unrath / hat sich die Mutter Gottes öftermals
 sichtbarlich sehen lassen. Man wuste nit / was dero
 Verlangen ware / biß man erachtet / sie wolle an disem
 Ort verehret werden. Derowegen dann ist der Platz
 alsbald geraumet / der erste Stein vnd Fundament
 zu einer Capell gelegt / vnd / in kurzer Zeit / ein schöne
 zierliche Capell auffgerichtet worden. Darinn so vil
 Wunder geschehen / daß auß dem Opffer bald darauff
 neben der Capellen / den H. H. Dominicaneren ein
 Kloster ist auffgerichtet worden. Das Bild ist auff
 disen Form gemacht / gleich wie die Mutter Gottes
 erschinen / vnd ist in so hohen Würden das im Brauch
 gewesen / wann einer sein Unschuld / wider angethane
 Schmach / wollen darthun / solches bey disem Bild /
 mit einem Schwur bezeugte / vnd ihm geglaubet
 wurde / velleicht / daß etwan die / so falsch geschworen /
 allda von Gott gestrafft worden / daher dann es den
 Titul von dem Schwur bekommen ; weilen aber diser
 Gebrauch / auß hochwichtigen Ursachen / von der Geist-
 lichen Obrigkeit abgeschafft / hat man den alten Titul
 wider geben / vnd ist vnser liebe Frau von dem Horn-
 Thall genant worden.

Unser